

TENTAMEN PHYSIOLOGICO-MEDICUM
I N A U G U R A L E,

D E

Mensibus et Naturaliter et Immodice
Fluentibus.

Q U O D,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI ROBERTSON, S. S. T. P.

ACADEMIÆ EDINBURGENÆ Praefecti;

N E C N O N

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

B I K E R M C D O N A L D,

H I B E R N U S,

Societ. Chem. Edin. Soc. Extr.

Et

Praefes Annuus;

Nec non

Soc. Reg. Med. Edinb. Socius.

“Felix, qui potuit rerum cognoscere causas.” *Virg. Georg. lib. 2.*

Ad diem 24. Junii, hora locoque solitis.

E D I N B U R G I:

Apud BALFOUR et SMELLIE,

Academiae Typographos.

M,DCC,LXXXVI.

Mr. Dobson, with best wishes from
his humble servant

B. W. D.

348915



Ornatissimo et praehonorabili viro,

R O B E R T O C U N I N G H A M

D E M O U N T - K E N N E D Y,

In comitatu Wicklowensi,

Regi apud Hibernos e secretis consiliis,

Senatori Hibernico integerrimo,

Et

Exercitus regii legato, &c. &c.

Qui summis usus honoribus,

Honores ipsos virtute nobilitavit;

Et, rebus amplis praeclarus,

Iis liberaliter fruendo,

Nomen etiam praeclarius,

Sibi adeptus est.

Tot tantisque meritis

Allectus,

Academicum hocce tentamen,

Quaecunque sit,

Maximae pignus observantiae,

Offert

B I K E R M ° D O N A L D.

C O R R I G E N D A.

- Pag. 7. lin. 17. *pro leve lege levi.*
8. 17. *pro totam lege totum.*
9. 21. *pro exactas lege exactos.*
10. 12. *pro suam lege suum.*
11. 13. *pro effuit lege effluit.*
18. 16. *pro alva lege alvo.*
— 25. *pro spasmodicos lege spasinodicas.*
21. 7. *pro nimium lege nimia.*
25. 1. *pro libere lege sumendam.*
32. 19. *pro prodit lege prodest.*

TENTAMEN PHYSIOLOGICO-MEDICUM

I N A U G U R A L E,

DE

Mensibus et Naturaliter et Immodice Fluentibus.

PRÆTER multos generi humano communes morbos, quidam sexui amabili proprii, et admodum numerosi. Circa puberem aetatem, quo tempore menses effluere solent, plerumque incipiunt. Catamenia vel menses (sic enim, quia singulis mensibus revertitur, evacuatio haec nominatur) plerumque sub annum decimum quartum vel quintum erumpunt, et intra quadragesimum quintum et quinquagesimum aetatis annum sistunt. In regionibus propius Polo jacentibus, ferius sese ostendunt, et usque ad provectiorem aetatem fluunt; dum, e contrario, in plagis Soli propioribus maturius incipiunt, citiusque deficiunt*. Observandum est tamen, mulieris

* Extant tamen exempla puellarum quae a teneriori multo aetate, fluxum menstruum patiebantur; Aliaque non desunt exempla ubi ad extremam senectutem

mulieris habitum corporis, moresque vitae semper in partem venire; mulieribus enim, calido temperamento et irritabili fabrica, quam aliis diverso corporis habitu, diversaque animi indole praeditis, quibus sibi indulgere, copiamque earum rerum quae faeminam immaturam accendant, muliebriaque ante tempus cieant, fortuna negaverit, etiam sub eodem coelo vitam degentibus, maturius menses erumpunt.

Auctores fere omnes mensium fluxum et secundae mulieris valetudini et generationi quoque omnino necessarium esse, consentiunt *. Sunt tamen quibus utraque sententia vana videtur. Refert Junckerus quibusdam integrae valetudinis mulieribus menses nunquam effluxisse; in mulieribus quoque Brasiliensibus satis quidem foecundis, eadem res obtinere dicitur †. De hoc vero, jure ambigitur. Auctor est Linnaeus ‡ in Lapponia, mulieribus quibusdam nonnisi singulis annis fluxum fovere adesse, aliisque omnino defuisse. Monet tamen, et has et illas valetudinem pariter pati; illas insuper semper steriles esse. Utcunque vero sese res habuerit, in nostra saltem regione, vel emanatio vel suppressio mensium fere semper multa mala secum adfert; et magni nominis multaeque experientiae medici §, nisi stillato prius ab utero humore, se nunquam mulierem, quae ventrem tulisset, vidisse asserunt. Vix quidem sanguinem rubrum effundi necesse est, satisque videtur si etiam fluidum serosum eliminetur.

Variae

neftutem menses aderant; mihi ipsi contigit vidisse vetulam, annum aetatis septuagesimum sextum agentem, cui adhuc fluebant.

* Vide Buffon's Natural History.

† Vide Van Swieten et Buffon.

‡ Lin. Flor. Lap.

§ Young, Hamilton, &c.

Variae hypotheses, ad menstrui fluxus causam explicandam, prolatae, per tot secula physiologorum ingenia torquentes, investigandi ac disputandi amplam materiem praebuerunt. Eas hic breviter perstringere mihi in animo est. Inter anatomicos, ne quidem de parte unde sanguis stillet, convenit. Hic ex vagina, ille ex utero, ex venis alii *, alii ex arteriis, effundi sanguinem contendunt. Maxime autem verisimilis videtur opinio, quae peritissimis et maximae auctoritatis medicis placuit, nempe, sanguinem ex arteriis per internam uteri superficiem exhalantibus sparsis, effusum esse †. Aliquando quidem partim ex vagina menses fluere videtur, quoniam mulieres quaedam (perpaucae licet) uterum gerentes, occluso tunc temporis uteri ore, menses patiuntur.

Multa symptomata, quae virginem, menses instare moneant, praegrediuntur. Lumborum et partium circumjacentium calor et dolor, lassitudo, anorexia, capitis dolor, comitante febre leve, aegram plurimum vexant. Rotundae fiunt et turgescunt mammae; sedet in ore pallor; et oculi, pristino lumine et nitore amissis, languescunt. Interdum per totam cutem papulae rubrae erumpunt, et aliquando (rarius licet) tonsillas, vel partem quamlibet aliam inflammatio aggreditur ‡. Erumpentibus mensibus, omnia haec mala solvuntur; nec ante proximam fluxus periodum, quae fere viginti octo dierum spatio absolvitur, iterum urgent. Sub primis tamen mensibus, non tam ad normam quam postea, exacta est. Revertentibus denuo, revertuntur quoque symptomata jam narrata, sed leviora multo, et hoc modo singulis volventibus periodis,

* Osborne Praelectiones.

† Haller, Van Swieten, Morgagni, Monro, &c.

‡ Manning's Female Diseases. Halleri Elem. Physiolog. tom. 7. &c.

riodis, minus minusque molesta fiunt, donec tandem vel nullis, vel saltem perpaucis fluxus stipatus adest.

Veteres philosophi quidam, fluxus menstrui lunam arguebant; nec de illo constat, qui hypothefin istam primus excudit; Asclepiadi aliis, aliis honorem (si quidem aliquid honoris habeat) Erisiftrato deferentibus. Hoc sibi forsan persuasum habebant, quod secundum lunae cursum, singulis mensibus, sanguinem utero effusum observarent, et in epilepticis et maniacis luna multum valere putaretur. Sed postquam oeconomiam animalem melius exploratam habuerant medici, sententia, neque veritate rerum, neque ratione innixa, merito sprete et rejecta erat. Et prorsus mirum videtur, Doctorem Mead, praeclarum et eruditum virum, talem opinionem ineptam, et jam per multa secula oblivione obrutam, in lucem iterum velle proferendam †.

Experientia sola ad hunc errorem refellendum satis: Certissima enim constat observatione, mulieres per totam terrarum orbem, nullo certo die, sed omnibus pariter temporibus, fluxui esse obnoxias, diversasque mulieres diversis temporibus menstruationem pati; et, per lunae cursum, nullum diem, nullam horam, etiam praeterire, quin plurimis mulieribus menses adsint. Quod quidem, si veterum doctrinae fides, nequaquam fieri posse, manifestum est; sic enim omnibus sub eodem coelo viventibus mulieribus, eodem momento menses instare, sanguinemque utero stillare necesse.

Galenī theoria deinceps infecuta est, qui, in scriptis suis, mensibus plethoram seu sanguinis redundantiam causam esse contendit,

† Mead on the Influence of the Sun and Moon.

contendit. Systema Galenicum chemici everterunt. Omnia chemicis principiis explicare assueti, et inter alia fluxum quoque menstruum; quem fermentationi in corpore existenti, vasque uterina erodenti, tribuerunt.

Ubi vero haec fermentatio activa per tot ante annos latebat? Cur non, aliarum fermentationum instar, totum sanguinem, vel uterinum saltem, ad suam indolem assimilaret? Vel cur certis tantum temporibus, et non nisi in quibusdam corporis partibus, nascitur?

Non multis abhinc annis novam sententiam excogitavit Doctor Emmet *, et pro subtilitate memoratu dignam. Ait, mulieribus venerem adpetentibus, magnam sanguinis copiam genitalia versus derivari, qui, venis reducentibus non facile reforptus, partim in sinus interna uteri superficie effunditur, ibique demum satis collectus, utero stimulo est, quo se contrahente, sanguis eliminatur.

Praeter errorem anatomicum †, in quem hic vir ingeniosus ejusque fautores inciderunt, fictis sinibus nunquam inventis, multa alia sponte huic sententiae repugnant. Siquidem vera fuisset, menses constituto tempore effluentes, non tam ad normam exactas, quam nunc videmus observare effet: Fluxum enim hoc modo a mulieris lasciva indole, protervisque moribus pendere; faeminisque languidis et segnibus ad veneris gaudia, perraro adesse oportet. Narrat autem cel. Van Swieten, notas esse sibi complures mulieres quae concubitus detrectabant, quibusque tempore et quantitate justis, menses effluere consueverant: Illud quoque (quod omnino huic sententiae

B

tentiae

* Dissertat. Inaugural.

† Vid. Monro Praelect. Halleri, Elem. vol. 7.

tentiae obstat) mulieres, quibus propter jam provectiorem aetatem, non amplius menses sunt, saepe procacissimas esse.

Plethorae generalis theoriae, cui nunquam post auctorem Galenum, defuere fautores, magnam gratiam contulerunt scripta Friendii, Boerhaavii, aliorumque; quorum prior, multo ingenio, multaque doctrina ejus veritatem confirmare adnissus est; et, quod haud parum fidei adstruit, easdem partes secutus, in eandem sententiam, anatomiae Professor noster jure celeberrimus ivit. De hac re ita ratiocinantur *.

Dum crescit animal, alimenti assumpti pars assimilata, corporis diversis partibus additur, sicque ipsius molem adauget. Postquam vero acmen suam animal attigerit, alimenti partem, qua ad crescendum ante opus fuerat, nunc supervacuum esse oportet, et, non amplius se dilatantibus vasis, plethoram, seu sanguinis copiam, quam pro vasorum amplitudine, majorem, fieri necesse est. Praeterea, mulieres aiunt, plethorae magis obnoxias esse, quod fere cibi haud minus quam viri ingerunt; multo vero minus per cutem perspirant, propter debiliorem cordis arteriarumque vim, desidiamque vitae: Porro, verisimile videri, ad plethoram mulieres a natura proclives esse, futuri foetus alendi causa: Sanguinis vero redundantiam, ante graviditatem, non solum non necessariam, sed etiam nocituram, multosque morbos retentam illaturam, utero effundi; cujus situs dependens laxaque fabrica fluxui favent. Illis quoque aliud argumentum est, nutrices lactantes menstrua non pati, et, si quando supprimantur menses aliis de causis, tum haemorrhagias vicarias sequi.

Quod

* Vid. Friend. Emmen. passim. Aphor. Boerh. Manning, &c.

Quod huic theoriae objiciendum nunc inquirere pergamus. Puellis quae acmen nondum attigerint saepe menses accedunt, cum, ut illi volunt, nihil supervacui sanguinis corpori insit. Copia sanguinis effluentis non semper pro corporis plenitudine effunditur; mulieres enim cachecticae, habitu corporis phthifico, quibus longe abest ut putes plethoram inesse posse, singulis mensibus, solito more, sanguinem utero effundere, et saepe copia majori, quam sanae et robustae inveniuntur. Si sanguinis in corpore, postquam ad acmen pervenerit, copia supervacua, fluxui menstruo causae esset, cur non, eodem tempore, ex systemate venae portarum, tum ob situm, cum ob fabricam, tali effusioni omnibus modis opportuno, sanguis effuit? Faeminae laxo habitu et sub coelo calido degentes, quibus liberior perspiratio est, quam hae quibus rigidiores sunt fibrae, vel quibus, ex frigore, cutis perspiratio supprimitur, copiosius plerumque menses effundunt. Sanguinis copiam superfluam, ad foetum alendum confici, Friendius contendit: Calculisque subductis, uncias viginti singulis vicibus eliminari, omnemque effusum utero sanguinem, ut foetus aleatur necessarium esse ponit *. Quum tamen constet effusum sanguinem, singulis vicibus, quinque vel sex uncias non superare †, totam copiam foetui alendo non sufficere liquet: Adeo ut vel, secundum suam hypothesein, ipsius ratio utut solers subtilisque cadat illusa, necesse est. Nutricibus lactantibus menses semper abesse saepius dictum fuit, quia hoc modo a plenitudine cavetur. Credo equidem multas esse mulieres ubera admoventes, quibus menses solito more adsunt, et quibusdam nunquam

* Vid. Emmen. Friendii.

† De Haen, Young, &c.

nunquam alias tam proprio ritu accedere dicuntur *. Praeterea magnam lactis copiam, etiam dum lochia fluunt, fecerni, nerunt omnes; id quod huic theoriae omnino obstat. Si haemorrhagiae quae, nonnunquam post menses suppressos, ventriculo, oculis, auribus, digitorum extremis, &c. fluunt, a nimia totius vasorum systematis plenitudine penderent, cur non pulmonum vel aliarum internarum partium vasa, saepius multo rumpantur †? vel cur, tales haemorrhagiae venaesectione non caventur? Magnae insuper evacuationes per intervalla mensum, illorum refluxum non arcent; imo, etsi copia, menstruo sanguine triplo major, detrahatur, statim ante fluxus accessum, erumpunt menses tamen ‡; et nulla evacuatio, arte parata, symptomata quae primum fluxum praegrediuntur, prohibere potest, quamvis a plethora generali derivari ponantur.

Generalem plethoram, quam primus Simpson eruditus impugnabat, partialis plethorae, vel congestionis topicae, doctrina excepit. Huic opinioni Van Swieten assentire, nec multum dissentire illust. Hallerus, licet utriusque plethorae sententiae favere magis videatur §. Tempore ex illo, plethora topica licet non confirmata, verisimilior facta fuit, ob ea quae reperit illustr. Cl. Winteringham. Ducem hunc itineris secutus Professor noster egregius Cullenus, novam protulit sententiam, quam, plurima qua pollet doctrina et ingenio, stabilire conatus est. Hanc breviter narraturus sum. Teste Winteringham, venis, in tenera aetate, magis quam fociis arteriis tunicae

* Vid. Halleri Elem. Physiol. tom. 7.

† Vid. Whytt. opera, pag. 564.—565.

‡ Simson cel. System of the Womb.

§ Vid. Halleri Elem. Phys. tom. 7.

nicae sunt densae: Ob resistentes igitur venas, liber sanguinis ex arteriis in venas fluxus impeditur, et arteriae magis distenduntur, quam si nihil tale adesset. A principio ergo vitae ad mediam usque aetatem, arteriarum plethora locum habet; sed ope distentionis perpetuae et pressurae a sanguinis impetu, quibus arteriae laborant, earum densitas cordis vi tandem par evadit. Ab hoc statu plethorico, corporis incrementum et evolutio pendent, quod pro vi et impetu sanguinis, in quamlibet partem, pro solidorum renixu, et systematis vasorum diversarum partium amplitudine, crescet. Cernere est igitur caput primum evolvi, qua in parte corporis amplissima sunt vasa, quaeque igitur eo primum densitatis perveniunt, ut sanguinis impetui resistant. Tota demum ascendente aorta evoluta, sanguis majore impetu per aortam descendentem versus uterum propellitur. Uterus autem, renixu nato, immutatus maneret, ni sanguis, in vasa uterina congestus, illi stimulus esset, hinc nixus haemorrhagicus augetur, et vasorum oribus apertis, sanguis utero stillat *.

Haec autem ratio ad mensium primorum causam reddendam, primo intuitu pulcherrima quidem, minus idonea videtur; et, ei quaedam sunt objicienda, quae, si theoriam omnino funditus non everterent, eam tamen labefactare possint, viz.

Menses saepe erumpere ante aetatem qua puellae acmen attingerint; sub primis enim mensibus, subitum corporis incrementum saepe observatur, quod interdum per biennium, usque et usque crescit, dum interea, proprio ritu et iusta copia, menses fluunt.

Licet haec ratio fluxus menstrui minus placet, haudquaquam negaverim, sanguinis in uterino systemate congestionem illo tempore fieri; sed, ut mihi videtur, alia ratio reddi potest.

Quos

Quos effectus, in totum utriusque sexus corpus, status genitalium edat, neminem latet. In viris non solum vis et vigor, sed et vox quoque et barba a tensione et tono genitalium plurimum pendent. Ante puberem aetatem castrati, semper imberbes sunt, voxque arguta et stridula, nunquam rauca vel gravis auditur *. Mulieres ex sectis ovariis non solum steriles fiunt, sed quae antea rotundae turgebant mammae flaccidae collabuntur, et paulatim fere evanescunt, adeo ut eunuchis simillimae sunt; et quemadmodum masculorum testes, semen ad gignendam prolem, quo gens humana semper floreat, fecernunt, sic apud mulieres quidam status ovariorum necessarius videtur †, tum ad mensium fluxum cum ad generationem. Quis vero ille status sit, vel quae causae illum efficiant, nobis parum constat ‡. Verisimile est tamen, ovariis tunc temporis insolitam esse irritabilitatem, quae articularum uteri fibris muscularibus hinc communicata, easque consuetis stimulis magis obnoxias reddit, et si fibrae (sic enim dicitur) quo longius a corde, eo irritabiliores fiant ||, irritabilitatem in utero permagnam esse oportet.

A

* Vid. Buff. Nat. Hist.

† Vid. Cul. Prim. Lin.

‡ Eam esse genitalium conditionem, hac tempestate, quibusdam placet ^a, ut quidam animi affectus, (e. g. appetitus lascivi, veneris desiderium) fluxum sanguinis solito majorem, versus has partes faciant. Et quum iisdem videtur uterum esse organum secernens, menstrui sanguinis majorem quoque copiam secerni, quo plus derivati sanguinis, eo plus secreti esse. Hinc menstruum copiam in aliis faeminis, aliam explicare conantur, et quo lascivior sit faemina, eo majorem fluxum, ponunt.

^a Elem. Medic.

|| Cul. illust. Instit.

A stimulante sanguine augetur vasorum actio, et inde sanguis pleniore rivo influit, et majore etiam stimulo addito, nisi crebriore vasa se contrahunt, et ora extrema dilatantur. Primo patefacta vasculorum orificia, tenuissimam et aquosam sanguinis partem solum elabi sinunt, (hinc serosa primorum menses facies) mox autem, persistente ipsorum actione adaugetur rubrum sanguinem effundunt. Postquam effuso sanguine, arteriae aliquatenus deplentur, collapsae, primo globulis rubris, deinde sero, iter negant. Post dies duos vel tres fluxus sistit, vasaque in cavum uteri patula, quod prius transmississent, id tantum accipiunt.

Ab Hippocrate ad hodiernum usque tempus, vanum laborem physiologi sunt impensi, assidue excogitando, cur constitutis temporibus menses reversuri sint. Nullam igitur rationem proferre mihi licet, nisi conjicere fas sit, irritabilitatem iterum certo tempore accedere, iterumque hinc, sanguinis congestionem facta (favet autem congestionem status uterinarum vasorum ex priore depletionem laxus *) menses, ut ante, eliminari. Nonne appetitus veneris periodici, quos in aliis animalibus videri est, aliqua saltem ex parte, irritabilitatem hanc in genere humano, illustrent? Cuniculis singulis mensibus venus redit, simulque fluidi aliquid ex vagina stillat; quod quoque aliarum specierum faeminis ad venerem prurientibus accidit †. Post mensium repetitum recursum, vasis assuefactis, adaugetur actio, consueto tempore, usu veniet. Imperii exempla, quod in corpus humanum, consuetudo exercet, magna copia

* Cul. cel. Praelect.

† Generi humano fluxum menstruum esse proprium fere semper dixerunt auctores. Ait Plinius, "solum animal menstruale mulier." Nunc autem pro certo affirmatur, simiam menstrua regulariter pati.

copia nobis memorandi, vix tamen memorasse necesse videtur; satisque erit dixisse, in excretiones praesertim exerceri.

Multa inepta, credula superstitione, male nata, de menstrui fluxus natura, olim relata sunt, et fabulosa, narrantur † plurima, de mulieribus quae fluentibus mensibus, res miras praestarent; quarum vel meminisse a nobis longe absit. Inter physiologos tamen hodiernos de natura effusi fluidi nequaquam convenit; quibusdam nuper affirmantibus, illud puri sanguinis dotibus non gaudere ‡. Verum, donec pluribus institutis periculis, diversa confirmata sit sententia, lubentius secutus Hippocratem, Hallerum, Van Swieten, Monro, &c. crederem, fluidum menstruum, arteriis uteri effusum, a communi sanguinis indole nihil discrepare.

De usu mensium nihil fere melius, quam de causa, inter auctores convenit. Veteres, et e recentioribus plurimi, ad foetum alendum inserviri menses, contendunt: Huic tamen sententiae est quod objicias, et quibusdam physiologis, qui eam refellere nuper conati sunt, placuit magis, illorum ope vasa uteri exhalantia ne clauderentur, prohiberi, ut post conceptum, ovulum internae uteri superficiei arctius adnectatur, et inter matrem et foetum liberior sit communicatio §. Hic vero conjectura sola auguramur. Liceatque cum Poeta canere,

“ ———Who their *uses* can declare? Who pierce,

“ With vision pure, into these secret stores

“ Of health, and life, and joy?” *Thomps. Seasons.*

Postquam

† Vid. Van Swieten Comment. &c.

‡ Hunter.

§ Vid. Marrher. Physiol.

Postquam menses aliquamdiu rite effluxerint, interdum abnormes fiunt, saepe copia deficiente, nunc omnino sistente fluxu, nunc nimio rivo effuso. Cuncta tamque diversa, quibus patet fluxus menstruus, incommoda dum olim tractaturus, mecum reputabam, strinxerunt animum, tum rei magnitudo, tum quoque quod tempus experientiaque defint, et jam in longum opus fuerit prolatum; quapropter, de posteriori tantum differendum; huic nosologi menorrhagiam nomen imposuere. Qui, quoniam frequens est morbus, magnamque vim formae pulchrae, felicique valetudini, amabilis sexus infert, jure sibi medicorum attentionem vindicat.

A Clarif. Culleno sic definitur:

“ Dorfi, lumborum, ventris parturientium instar dolores,
 “ menstruorum copiosior, vel sanguinis e vagina praeter ordinem fluxus *.”

HISTORIA MORBI.

Fluxus menstruus pro morbo habendus est, quando vel frequentius recurrit, vel diutius perstiterit, vel quando denique sanguis fuerit praeter ordinem effusus, et quotiescunque a naturae viis, ita sit aberratum, ingens instat malorum cohors. Molesta quaedam symptomata, naturales menses, praesertim sub primo fluxu, comitari, sistente vero effusione, evanescere

* Cel. Cull. Nosolog. Methodic.

nescere omnia, supra diximus. Cum sanguis nimis effunditur, omnino aliter se res habet. Omnia quae comitantur symptomata ingravescent; dolores violentiores evadunt, siti simul et dyspnoea, pulsu frequenti, interdum duro, cephalalgia gravi, omnibusque pyrexiae auctae symptomatis, urgentibus. Interdum tamen menorrhagia accidit absque ullis manifestis signis diatheseos phlogisticae, ubi ab initio, sanguis patulis variorum uteri oribus laxis, potius quam violentia renixus, elabivideretur. Magna totius corporis debilitas, praesertim functionum animalium, in utroque casu, si nondum accesserit, mox subsequitur. Perstante morbo, crescit debilitas: Cujus signa sunt; languor et lassitudo ingens, motus corporis intolerantia, animus demissus, &c. Mens imbecilla, levibus de causis, violenter agitur. Cibi appetentia cito imminuta, ventriculus, nausea, aliquando vomitu tentatur; intestina multum turbantur, et aegra flatu, dolore colico, et dura alva frequenter laborat. Inquietus est somnus, nec corpus reficit. Pulsus fit parvus, debilis, nonnunquam tardus *; pallida et decolor facies, et aegra tandem mire confecta est. Extrema corporis inalgescunt, pedes et crura tument, et crescenti usque morbo, oedema in hydropem universum definit. Syncope quovis animi motu, vel aegra se erectam, breve tempus, sustinente, facile inducitur. Interdum sanguis intra cavum uteri retentus coagula, duriuscula cogit, quae tenerrimum viscus irritantia, illi contractiones spasmodicos inferunt, et propter uteri, cum reliquo corpore, latum consensum, totius corporis convulsiones non raro sequuntur. Maenorrhagiam saepe excipit leucorrhoea, praesertim, secundum Hoffmannum, apud puellas,

* Astruc.

ellas, saepiusque causa sterilitatis fit, partium genitalium tono perduto. Pluribus jam memoratis symptomatis, simul concurrentibus, vel se invicem excipientibus, tandem atrophia et febris hectica invadunt, quae infelici aegrae mortem, finem miseriarum, affert.

Talis plerumque est cursus et talis finis morbi, cum diu perstiterit; sed pauca exempla sunt narrata, ubi tam subito et tanta praeter ordinem copia sanguinis effluxerat, ut ruentibus in pejus omnibus, aegra e vivis rapta est, priusquam opem ferre potuisset medicus *.

D I A G N O S I S.

In diagnosi facienda inter menorrhagiam et menstrua naturalia, quid discriminis intersit, imprimis respiciendum est; hic enim solum dubitandi locus est. Menstruorum copia, non solum aliis mulieribus sub alio coelo degentibus, alia est, sed et eidem mulieri diversis temporibus, diversa; praesertim post abortum, suppressiones fortuitas, et sub fluxus finem † Et, quamvis supra memoravimus consuetam fluxus periodum viginti octo dierum spatio absolvi, et compertum esse, copiam sanguinis effusi sex uncias vix superare, multa tamen exempla ab hac lege generali impune recedunt; nec fas est dixisse, mulierem menorrhagia laborare, quia menses duabus vel tribus

* Manning on Female Diseases.

† Johnston's Midwifery.

bus septimanis revertantur, vel quia usitato tempore, paucae solito plures unciae effluant, dum interea secunda sit valetudo; quod enim aliis mulieribus ad naturae et sanitatis normam sit, in aliis pro morbo habendum.

De tempore igitur et copia nihil pro certo ponere licet; respiciendi sunt igitur et corporis habitus et indoles, morefque mulieris, et hinc iudicium est ferendum. Si catamenia diutius et copiosius perstiterint, comitante acerbo dolore, magnaue debilitate, anorexia, dyspepsia, et facie pallida subsequen-
tibus, tunc morbum adesse liquet, cui omnino obviam eun-
dum.

CAUSÆ REMOTÆ.

Causas remotas dividere licet,

1^{mo}, In illas quae vim vasorum sanguiferorum omnium, et idcirco uterinorum, augendo nocent.

2^{do}, Quae impetum vasorum uteri praecipue augent; et

3^{tio}, Quae aliquatenus eadem vasa laxant.

Sub 1^{mo} capite comprehenduntur, 1. Cibus nimis nutriens, tum quod ad copiam, cum quod ad indolem alimenti. 2. Ingesta plus quam excreta. 3. Evacuationes solitae suppressae. 4. Vita sedentaria.

Fatendum est tamen, causas istas non tantum ad inferendum morbum esse efficaces, quantum, si aliunde ortus fuerit, ad vim ejus adaugendam.

Quae

Quae sub hoc primo quoque capite includuntur, et excitantes causae dicendae sunt: 1. Vomitiones violentae. 2. Ebrietas frequens. 3. Pathemata animum excitantia. 4. Magnus calor subito admotus.

Ad caput secundum referri possunt,

1. Venus nimia, praesertim sub mensium fluxu. 2. Pars imi abdominis violenter percussa. 3. Nimium exercitatio, praesertim inter saltandum. 4. Faeces gravi nisu demissae. 5. Cathartica acria, praecipue aloetica, quae rectum imprimis, partesque intestinorum utero vicinas stimulant. 6. Cantharides. 7. Frigus subito pedibus admotum. 8. Mala uteri topica, e. g. cancer, schirrus, polypi, &c.

Sub tertio capite includi possunt,

1. Cubicula calidiora. 2. Theae, cafeae, et potus hujusmodi diluentis, usus abnormis. 3. Balneum tepidum. 4. Cibus tenuis et parvus. 5. Evacuationes magnae, seu sanguinis, vel urinae, vel sudoris. 6. Leucorrhoea. 7. Abortus frequens. 8. Partus difficiles. 9. Puerperium frequens; et 10. Animus demissus.

Sub finem fluxus menstrui, ingravescente aetate, mulieres ad menorrhagiam maxime proclives sunt; et aliquando fieri potest, ut ex primigenia uteri fabrica, morbus originem trahat.

CAUSA PROXIMA.

Causis menorrhagiae remotis omnibus ante oculos positis, perpensoque, quod fere semper mulieribus, vel vitam ignave degentibus,

degentibus, vel aliunde debilitatis, accidat, et quod molles Zonaë Torridae incolae, ei magis patent; dum, e contrario, robustae, et quae frigidas regiones tenent mulieres, rarius plectuntur; colligere licet, diathesin phlogisticam, vel nimias totius corporis vires, perraro morbo pro causa esse. Si enim ea fuerit in culpa, mulieres viribus et sanitate gaudentes, saepius laborantes cernere erit. Sed longe aliter se res habet.

Lubentius crederem, *imo*, Ab agentibus causis remotis, irritabilia fiunt vasa uterina, et a sanguine facilius stimulantur; aucto inde motu oscillatorio, majori ad ea copia sanguis allicitur, et nascitur menorrhagia. Ad aucta vasorum uteri actio, aliquando per totum corpus diffunditur; sed, facta haemorrhagia, plerumque sublata abit, et vasis a diuturno morbo languescantibus, effluenti sanguini sola favet debilitas.

2do, Solutis praeter naturam vasis, vel totius corporis, vel imprimis uteri, etiam si impetus nullominus augeretur, morbum nasci posse mihi videtur *.

P R O G N O S I S.

Prognosin jure auguraturum imprimis excogitare decet, quae sint aegrae vires; si morbus diutius fuerit moratus; et frequentia et copia effusi sanguinis, causaeque remotae. Si antea, bona valetudine usa esset, nec multum debilitatis nunc instet, si recens accesserit morbus, licet plerumque faustum exitum sperare. Sin saepius ante accesserit, si aegrae vires fractae, magnaue sanguinis effusi copia sit; morbus in anticipi

piti haefurus est. In pari sanguinis effusi copia, eo fluxus periculofior, quo citius effluit. Cujus rei ratio in aperto est; sanguine enim tarde et gradatim effuso, novo sanguini parando, quo vires reficiantur, spatium datur; subito autem et magna vi sanguine effuso, nihil spatii conceditur. Menorrhagia, primigenia uteri fabrica, vel cancro, polypo, schirro, &c. originem trahente, immedicabilis plerumque est; sed fortuita causa, quam amovere nobis in manu est, nata, meliori spei locum praebet.

RATIO MEDENDI.

Menorrhagiae medentem oportet, *1mo*, Dare operam, ut cohibeatur fluxus; *2do*, Ut recursus praecaveatur.

Inter initia morbi, actione vasorum uteri tunc temporis aucta, et reliquis totius corporis vasis impertita, ea cuncta fugienda sunt, quae vel corpus vel animum excitant. Musculorum motus quicunque, stimulo est; venosi sanguinis enim cursum accelerando, vasisque ubique tensionem impertiendo, ut saepius et violentius se contrahat cor facit; unde sanguinis copia solito majore, per varias corporis partes, eaque de causa, per uterum, fluente, uterina vasa ad vehementes contractiones cientur, longeque copiosior fluxus fit. In exercendo corpore, quo plures muscoli agunt, eo perniciosius est. Detrimento est ambulare; et, licet stanti minus imminet periculum, tamen, per aortam descendantem sanguinis momento aucto, fluxus auge-

Ut

Ut aegra horizontali situ accumbat, curandum est; et quia caloris stimulus, sanguinis cursum accelerat, pro molli lecto, super matta duriori sit strata, levibus stragulis operta; amplum decet esse cubiculum, cui aëris frigidi liber est perflatus.

Nocet loqui, musculos respirationi inservientes agitando, velocitatemque sanguinis per pulmones et cor accelerando, vigiliamque inducendo. Animi cogitatio, vel mente vel rebus externis nata, corpori stimulo est; et quoniam, quaecunque in animum agunt, ea cuncta primo impetu excitant, quantum fieri potest, quietam haberi aegram oportet.

In omni haemorrhagia activa (et de hujus curatione nunc loquimur), victu uti tenui, ut sic plethorae obviam iretur, medicis placuit; et, quamvis negavimus generalem plethoram ad menorrhagiam faciendam necessariam esse, fatendum tamen, jam praesenti, plethoram favere. Alimenta minime calefacientia eligenda sunt; quapropter vegetabilia farinacea bona, malae autem et fugiendae carnes. Absint procul liquores spirituosi fermentati, quorum loco, potus diluti et frigidi, vel acido vitriolico, vel aceto ad gratum saporem infuso, assumentur; et hinc quoque siti irritanti consulitur. Cavendum est insuper, ope medicamentorum quae alvum leniter ducant, scilicet crystallorum tartari, ol. ricini, sulphuris florum, &c. ne faeces canalem alimentarium irritent; et faeces induratae emollientibus enematis injectis sunt diijiciendae. Si perspiratio suppressa fuerit, optima auxilia sunt diaphoretica, quorum nihil praestat ipecacuanhae, parvis dosibus, ut nausea excite-
tur, exhibitae.

Ad sanguinis impetum imminuendum sunt qui suadent *frigus* corporis superficiei admovendum*; eodemque consilio
aquam

* Vid. Hoffmanni opera, &c.

aquam frigidam magna copia libere seorsum, vel nitro vel spiritu vitrioli misto, Hoffmannus hortatur. Hic vero de frigoris natura varias opiniones, vel quomodo effectus suos in corpora animantium edat, excutere, alienum videtur. Constat inter omnes, frigus infra gradum scalae Fahrenheitianae sexagesimum secundum diu admotum, debilitatem inferre.

Veteres plerique et e recentioribus multi *venaesectionem* in haemorrhagiis utilem putavere; aliis autem sanguinem ipso morbo effusum, quicquid venaesectio praestare possit, praestitutum visum est *. Sub initiis menorrhagiae, cum copiosior fluxus, et phlogistica signa sese ostendunt, sanguinem, nec sine fructu, mitti credit ill. Cullenus; quod tamen rarius necessarium esse putat. Ubi vasorum uteri aucta actio reliquo corpori impertitur, ad diathesin phlogisticam tollendam, venaesectio haud dubie confert; haemorrhagiam tamen nec cohibet, nec etiam semper minuit, et saepius celebrata debilitatem alias subsecuturam adauget. Praeterea, sic aegra morbo recidivo opportunior facta, levibus causis excitantibus iterum menorrhagia tentabitur, et in periculum hydropis, vel alius debilitantis morbi veniet. Metuendum igitur ne sanguis nimis detractus vires corporis exhauriat. Ut venaesectio, sanguinis et fluidorum circulantium parte ablata, eorum stimulum quod ad quantitatem imminuit, sic frigus a caloris stimulo abstrahit: Hunc vero, si opus sit, haud difficile restituas, illum nequiquam possis. Quandocunque igitur videatur minutas vires profuturas, ante periculum venaesectionis factum quid frigus possit, experiendum.

D

Ad

* Doctor Heberden in Med. Transact,

Ad nimiam vim vasorum uteri moderandam, nunc praesertim convertendum est. Ad quam rem efficiendam, praeter jam memorata, alia quoque attentione digna sunt. Si auctus vasorum impetus cum reliquo corpore non communicatus fuerit, venaesectio minus erit necessaria, et victu non stimulante quidem, sed magis nutriente uti liceat. Tranquillitatem animi supra suavisimus, et aegra iterum monenda est, ut ab affectibus animi caveatur, praesertim ab amore, cui non sine magno periculo indulgebit. Quis enim nesciat miros affectus, quos venus venerisque desideria in organa genitalia praestent? Coitus vis in amenorrhoea, ubi retentio a vasorum torpore pendet, arteriarum uteri actionem stimulans, quantum polleat, nobis clare ostendit, eodemque tempore, menorrhagia, vasorum impetu jam nimio, laborantes ab illo abstinere monet.

Pediluvium frigidum huic morbo profuturum, quibusdam videtur; ut enim pediluvium calidum aliquando menses obstructos eliciat, ita frigidum, contrarium effectum editurum creditum est. Quod aliquando fieri posse concedimus; fatendum tamen, analogiam, aliamque ratiocinationem, in medicina saepe fallere. Inter causas menorrhagiam moventes, frigus pedibus admodum narratur, et diutius adhibitum, colicam, enteritidem, aliasque turbas movet intestinorum, quibus cum utero consensus est plurimus.

Extrema *fricare*, ut eorum augeretur actio, et inde derivatio ex utero fieret, olim consuevere; sic autem sanguinis per totum corpus motum acceleratum iri manifestum est; potiusque vetare quam frictione uti debemus.

In haemorrhagiis, quibusdam partibus *vincula* injicere, ut venosi sanguinis ad corda reditus impediretur, veteribus mos erat; eo consilio, ut sanguinis minore copia influente, et soliti
stimuli

stimuli parte ablata, non tam largum flumen e corde exsiliret. Sed post circulationem sanguinis melius exploratam, nihil tale fiebat. Esto enim, venas posse comprimi, liberis arteriis relictis, cuivis tamen liquet, sanguinem, clauso aliquamdiu per venas itinere, in arteriis necesse congestum iri; et illud idem quod tollere cupimus, potius illatum iri.

Cucurbitulas mammis imponendi, ad sanguinem ab utero derivandum, mos ab Hippocrate traditus est, et de iis in scriptis suis honorifice differit. Professorque noster ingeniosus Homius, apud experimenta clinica, duarum mulierum historias narrat, ubi felici exitu cucurbitulae cum ferro mammis admotae fuerant. Eodem consilio aegram, per semihoram, aqua calida, cui paululum vini addetur, manus et brachia immergere jubet Hoffmannus illust. et hoc felicius eventurum affirmat. Hic quoque memorare licet, *ubera admota* saepe prodesse, ut egregie in praelectionibus suis monet Cullenus; licet prolis parum memores, saepius voluptates et splendida vitae inania, matris officio et dulcibus curis anteponunt.

Ad efficaciora remedia nunc ventum est; de quibus ordine: Et primo de Emeticis.

Emetica, in haemorrhagiis medendis, mira laude et felici successu a pluribus adhibita jaestantur, et inter primos a Doctore Bryan Robinson, medico Dubliniensis ingenioso, cujus in experimentis capiendis solertia merito laudatur*. Aliquando utilia quoque Cullenus invenit; inter quem et Doctorem Robinson convenit de effectibus, sed diversis modis effectus explicant. Doctori Robinson placet, inter nauseam, quae vomitum praegreditur, constrictas esse arterias, quia
tum

* Vid. Robinson on Operation of Medicines.

tum cordis vim imminutam observaverat. Sed certe, ut fatetur ipse, peracto vomitu, circulatio citatior mox subsequitur. Mihi ergo potior videtur sententia illust. Culleni, ponentis, illorum ope, vasorum actionem extremorum augeri, spasmum auferri, et versus superficiem fluida propelli; et ita, si quid mali ex suppressa perspiratione utero acciderit, illud tolli. Igitur mihi melius videtur parvis dosibus nauseam excitare, quam plenum vomitum ciere; praeterquam enim quod vomitus quatiat corpus, saepe repetitus ventriculum magnopere debilitet. Si tamen aegra, ex re aliqua in ventriculo irritante, nausea et aegritudine tentetur, ea res ope emetici optime ejicitur, et ob summum qui ventriculum inter et uterum est consensum, raro accadat ut, laborante ventriculo, uterus in partem doloris non venturus sit.

Emplastra vesicatoria haemorrhagiis magnopere prodesse, quidam scriptores et, mea sententia, jure crediderunt. Sunt tamen qui ea omnino adhiberi nolunt, quippe qui vim eorum stimulatricem timent: Vero, esto illa stimulare, aliis tamen dotibus gaudent, quae stimuli metum solvunt; et quum in pncumonia, aliisque morbis inflammatoriis, eorum ab experientia constat utilitas, conjicere liceat, et hic et illic vim antispasmodicam inesse; unde spasmum, quo fluidorum impetus augetur, tollant *. Cum tamen patet in omnibus morbis localibus, ea praesertim et fere sola utilia esse, cum prope partem dolentem admoveantur, metuendum est, ne aliquando, absorptis cantharidibus, in menorrhagia, stranguriam ciendo, noceant.

In

* Vid. cel. Cull. Prim. Lin. passim.

In hoc morbo sanando, laudatur, et merito credo, *opium*; interdum inter remedia quae, prae caeteris, vasorum uteri vires imminuere creduntur, enumeratum. Et haud dubie fluxu qualibet ab irritatione orto, irritabilitatem minuendo, pro tempore saltem levatur malum, tempusque conceditur naturae, ad vires suas exercendas; vel medico, ad alia remedia tentanda. Investigare opii naturam, num sedante num stimulante vi, numve utraque gaudeat, vix necessarium est. Nobis ex historiis a quibusdam scriptoribus traditis, imprimis indicatum videtur in menorrhagia, ubi ex diurno morbo debilitas oritur, vel quando ab initio debilitas et demissus animus eam comitabantur *. In eo tamen adhibendo multa cura, multaue solertia opus est.

Proximum est ut vasa uterina constringere, debilitatemque, siue morbi primaria causa sit, siue exinde orta fuisset, tollere operam navemus. Quod astringentium et stimulantium ope optime fit. Astringentia externe adhibeantur, vel interne assumantur. E varia materie parata *emplastra*, pubique admota, Hoffmannus alique laudant; sed haec, frigidis *pannis*, pura aqua, vel mixto pauxillo aceti, vel in ea soluto alumine, madefactis, totique pelvi circumdatis, et saepe ne calefiant mutatis, minus efficacia videntur. *Balneum frigidum* generale et topicum in hoc morbi stadio feliciter usurpatum dicitur. *Linteola* aceto, vel salis martis in aqua solutione madentia, vaginae immissa, saepe haemorrhagiam sistunt. Sed reliquis, frigida *injecta* palmam praeripiunt. Difficillime vero in uterum, etiam earum quae pepererunt injeceris; sed injecta vaginae haud raro aegrae levamen ferunt, verisimileque

* Vid. Young on Opium. Manning, &c.

leque videtur, constrictione vaginae ex frigidis injectis, cum utero communicata, tonum vasis uterinis impertiri. Ad hoc propositum pura frigida, vel in qua pauxillum aluminis solutum est, aqua, prae praeparatis plumbi mihi placent.

Ferri et Saturni praeparata, pro astringentibus internis, saepe adhibentur; quorum, illis, parvam vim astringentem inesse crediderim, his, majorem quidem, et haemorrhagias sanasse dicuntur; sed vel parva copia assumpta nocent, et egregia documenta extant malorum, quae plurima horum usus intulit; eamque ob rem, mihi potius videtur, his penitus abstinuisse. *Alumen*, optimum astringens remedium, adhiberi tuto potest. Ex regno vegetabili, olim terra Japonica, hodie gummi kino, praesertim in auxilium venit; sed utrumque remedium efficacius est cum alumine junctum, cujus vis astringens major et citius multo per corpus diffunditur. Cum ventriculus irritabilitate tentatur, pulveri styptico paucas liquidi laudani guttas, instillare monet Dr Manning, quod ipse saepe feliciter fecit.

Aliquando eveniat, ut adstringentia parum proficiant, et tunc fausto exitu stimulantia adhibentur. Tale exemplum mihi ipsi contigit vidisse. Proxima hieme in Nosocomio decumbebat aegra, cujus curandae partes susceperat Professor noster ill. Gregory. Remediis solitis frustra adhibitis, *tinctura cantharidum* morbum solvit. Hujus medicamenti modus operandi ita explicandus. Cantharides organa urinaria praeter ceteris omnibus afficere, illisque acri stimulo esse, neminem latet; quum vero inter uterum et vesicam magnus consensus intercedat, hujus adaucta actio ad illum communicatur; tollitur hinc arteriarum uteri debilitas, et novis viribus acquisitis ora constringuntur*.

Ex

* Vid. Cul. Prim. Lin. in capite de Leucorrhoea.

Ex iisdem principiis verisimilius videtur, *balsama* quaedam huic morbo profutura; eademque ratione balsami copaibae, terebinthini, &c. usus, et modum operandi in leucorrhoea explicare est.

Si mihi conjicere liceat, in menorrhagia magna debilitate et laxitate vasorum stipata, *electricitatem* maxime profuturam dixissem. Humor ex urethra, post gonorrhoeam, fluxum sanasse fertur *, ubi laxitas vasorum in culpa fuit.

Placuit quibusdam, *venerem* modice cultam, utilem esse †; et fortasse, in hoc morbi stadio, pro stimulo uti licet.

Remediis topicis utentes, minime nos generalia praeterire decet. Corpore nunc debilitato, vires novae parandae sunt, vanum alioquin laborem impendimus. Huic consilio maxime accommodantur remedia tonica nuncupata, vel interne vel externe adhibita. Inter illa longe eminent Cortex Peruvianus et praeparata ferri.

Cortex caeteris merito palmam praeripit. In ventriculum assumptus, cito tonici ejus effectus percipiuntur, diuque manent; eaque de causa praestantissimum remedium in menorrhagia invenitur. Vel pulvere vel tinctura exhibeatur; haec elegantior, illa vero efficacior, et plerumque anteponitur. Paucis laudani guttis adjectis, ventriculo melius convenit ‡.

Metallorum omnium utilissimum et efficacissimum est *ferum*. Varia sunt ejus praeparata, caeteris vero anteponenda sal martis, rubigo, et limatura ferri.

Cibum

* Vid. Schwediaeur.

† Vid. Elementa Medicinae.

‡ Manning.

Cibum esse nutrientem oportet, saepius de die sed modice sumptum, quo facilius concoquatur; nec gravetur ventriculus. *Vinum* quoque, copia haud immodica, bibendum, vel Lusitanicum vel Madeirense, utrumque bonum, sed illud melius; liquor ille amarus (Anglice *London Porter*) fortis, lupulis bene conditus, pluribus optime sedet, et nihil prohibet quominus propinetur.

Inter haec (externa scilicet) exercitatio balneumque frigidum, iuste laudibus cumulantur.

Exercitatio firmat corpus; solidis simplicibus, et inde toti systemati vires, ministrat; fluida versus superficiem propellendo, congestus ab utero tollit, et roborando ventriculum, appetentiam et cibi concoctionem promovet. Cautè vero adhibendam et modicam esse decet; aliter enim omnia in pejora ruunt. Monet clarus Hamilton *, fluxum interdum minui, interdum omnino sisti, equitatione leni in curriculo.

Quod exercitium, idem *balneum frigidum* efficit. Ab eo vero abstinendum, si vires maxime deficiunt; his enim fractis, non prodit, sed magnopere nocet. Melius forte incipias ab aqua tepidula, aucto gradatim frigore. In balneo ne diu maneat aegra, et egressam bene fricari oportet.

Nunc tantum superest, ut de iis, quae morbo recidivo caveant, agamus. Hic brevis esse cogor; sic enim temporis angustiae aliaque necesse jubent.

Causae

Causae excitantes, quantum fieri potest, evitandae; et omnia quae corpus debilitant, idque morbo proclivius reddunt, sedule effugienda.

Exercitatio sub dio, et equitando et ambulando pro viribus, usui est; hoc modo, quamvis lautius vivitur, plethorae optime obviam eundum est, excretis nempe et ingestis intra justas normas redactis et in aequilibrio retentis. Balneo marino liberius uti fas est: In tonicis quoque et astringentibus, per tempus aliquod persistendum; exhibitione tamen eorum, prout res postulat, intermissa, ne usus, corticis praefertim, assiduus, injuria ventriculum afficiat.

T A N T U M.

